



Reglamentu di subsidio Praktijkleren Hulanda Karibense

Bo ta un komersiante ku ke ofresé un lugá kaminda un persona por kue práktika òf un lugá kaminda e por siña trahando, pa e por ta mihó prepará pa e merkado laboral? E reglamentu di subsidio Praktijkleren ta un kontribushon finansiero pa e gastunan ku empresarionan ta hasi pa guia un alumno of estudiante. For di e aña eskolar 2025/2026 e reglamentu di subsidio tambe lo ta disponibel pa empresarionan na Boneiru.

Haltura finansiamentu i periodo di aplikashon

Fecha inisial: Djamars promé di sèptèmber 2026, 9 or di mainta

Fecha final: Djaweps 17 di sèptèmber 2026, 5 or di atardi


Informashon adishonal

Bo por haña un máximo di € 2.700,- pa kada lugá di práktika òf un lugá kaminda e persona ta siña trahando. Pago di e subsidio ta na dòler merikano (US\$). E valuta i e montante di subsidio den dólar Merikano (US\$) lo ta determiná tur aña riba 1 di yanüari.

Ministerio di Edukashon, Kultura i Siensia (OCW) ta investigá si e reglamentu di subsidio tambe lo por ta disponibel pa komersiantenan na Sint-Eustatius i Saba. Na momentu ku tin mas informashon di esaki e informashon lo wòrdu hasí disponibel riba e página aki.

Liña di tempu di reglamentu di subsidio Praktijkleren

E liña di tempu presentá aki bou ta duna un indikashon general di e proseso di e reglamentu subsidio pa Boneiru.



Kondishonnan

Komo komersiante bo por kualifiká pa subsidio si bo ta kumpli ku e siguiente kondishonnan:

- Bo ta un empresa di formashon rekonosé na Boneiru, i bo ta ofresé un lugá di stazje òf di entrenamentu práktiko.
- Bo ta duna guia na:
 - o un estudiante di mbo, ku e parti práktiko (formashon profeshonal práktiko - bpv) ku ta inskribí serka un instituto di enseñansa na Boneiru i ta sigui un estudio den e direkshon edukativo di guia profeshonal (bbl);
 - o un alumno di vo (enseñansa sekundario) ku ta sigui edukashon práktiko (praktijkonderwijs) i ta kore stazje den e último aña eskolar;
 - o un alumno ku den vmbo ta sigui un entrenamentu profeshonal básiko organisá komo un trayekto di siña i traha, òf un estudio introdùktorio.
- Bo ta kumpli ku e kondishonnan pa e lugá di entrenamentu práktiko.
- Bo ta kumpli ku e kondishonnan atministrativo (wak pa "Prepará bo aplikashon").

Kondishonnan pa un lugá di práktika

- *Mínimo di ora*
E parti práktiko na bo negoshi of organisashon mester inklui mínimo 610 ora (klokuren) pa kada aña eskolar. Pa edukashon práktiko (praktijkonderwijs) i vmbo e mínimo ta 640 ora (klokuren) pa kada aña eskolar. E periodo di e aña eskolar ta kuminsá 1 di ògùstus i ta kaba 31 di yuli. Si e periodo di práktika ta mas kòrtiko, e orario mínimo lo wòrdu kalkulá proporshonalmente.
- *Presensia di e alumno òf estudiante*
Bo ta haña subsidio solamente pa e simannan ku e estudiante di vo ò mbo ta presente na bo negoshi. Nos ta kalkulá e subsidio pa siman. No ta importá kuantu ora òf kuantu dia e alumno òf estudiante ta presente pa siman, basta ku e norma di ora pa bpv den e periodo di subsidio ta kumplí.
Si un alumno òf estudiante falta un siman kompleto, por ehèmpel pa motibu di enfermedat òf fakansi, e siman(nan) aki no ta bin den remarke pa subsidio.
- *Akuerdo di stazje òf práktika*
Na kuminsamentu di e stazje òf lugá práktiko, un akuerdo mester wòrdu firmá. E akuerdo (kontrakto) aki tambe ta nesesario pa e aplikashon di subsidio. Kontrolá si e akuerdo ta kompletamente jena i firmá pa tur partido: alumno of estudiante, institushon di edukashon, empresario i ROA (Raad Onderwijs Arbeidsmarkt).

Prepará bo aplikashon

For di ougùstùs 2025, bo ta kuminsá prepará bo aplikashon pa un subsidio.

Mayoria di estudiante ta kuminsá ku nan kurso i formashon profesional práktika (BPV) na ougùstùs (komersio di un aña skolar nobo). Pa bo por hasi bo aplikashon pa un subsidio na final di e aña skolar, na sèptèmber 2026, tuma e siguiente pasonan.

1. Bo por download e formulario '[Formulario pa formashon profesional práktika](#)'. Bo ta yena e formulario aki huntu ku e estudiante for di e promé siman ku bo ta guia e estudiante. Si e estudiante ta kuminsá ku enseñansa i preparashon profeshonal mas lat den e aña di skol, yena e formulario tambe mas lat. E ora ei bo ta keda kualifiká pa un subsidio.
2. Bo ta sigurá ku e **akuerdo di praktikashon (POK)** ta kompletamente komplemento i firmá pa tur e partinan: estudiante of alumno, institushon di edukashon, empresario i ROA (Raad Onderwijs Arbeidsmarkt).
3. Bo por download e **formulario di aplikashon** riba e página aki (disponibel for di yùni 2026) Den esaki nos ta pidi por ehèmpel e nòmber di kompania, dato di adrès, dato di e kompania di enseñansa, e estudiante i bo number di kuenta banko. Bo ta aseptá ku bo tin tur informashon i ku bo por entregá e formulario komplemento promé ku sèptèmber 2026.

4. Ta importante pa nos ta sigur ku nos tin e number di kuenta di banko korekto pa e pago, i ku e kombinashon di nòmber di titular di kuenta i number di kuenta ta korekto. P'esei bo mester entregá **un dokumento ku ta konfirmá esaki**. Por ehèmpel, esaki por ta un faktura di benta òf un kopia di un resibo di pago.

E 4 dokumentonan ariba menshoná mester ser entregá huntu ku bo aplikashon di subsidio den sèptèmber 2026. E dokumentonan por wòrdu yena na man òf digitalmente. Nos ta trata solamente aplikashon ku ta kompleto.

Pa mas splikashon por manda un e-mail na PraktijklerenCN@rvo.nl òf un WhatsApp na +31 6 2570 8619. Tene na kuenta ku e diferencia di tempu ku Hulanda Europeo ta pone ku nos por tarda un tiki pa kontestá bo pregunta.

Bo ta apliká pa e kontribushon finansiero (subsidio) na final di un aña eskolar òf un aña di estudio práktiko, despues ku a terminá e guia di e lugá di práktika. **Bo ta entregá bo aplikashon 1 di sèptèmber 2026, 9:00 AM te ku 17 di sèptèmber 2026, 5:00 PM na Kralendijk.** E lugá i orarionan eksakto pa entregá bo aplikashon lo wòrdu publiká pronto.

Despues di bo aplikashon

Pa mas tardá ku 1 di novèmber 2026 nos lo tuma un desishon riba bo aplikashon. Si e desishon ta positivo, bo lo haña e montante di e kontribushon finansiero (subsidio) riba bo kuenta bankario pa mas tardá mei di novèmber 2026.

Bo ke sa mas?

- Bo tin pregunta? Manda un e-mail e ora ei pa praktijklerencn@rvo.nl.
- [Publicatie Staatscourant](#) (2 di aprel 2025)

Preguntanan frekuentemente

1. Si e estudiante/alumno stòp e formashon praktikó na mi kompania pa motibu di sirkunstansianan, mi ta bin na remarke pa e subsidio ainda?

Si e estudiante/alumno disidí di stòp ku e formashon praktikó (beroepspraktijkvorming) na bo kompania, tòg bo ta bini na remarke pa e subsidio. Tambe por sosode ku e estudiante/alumno no ta kuadra bon ku bo kompania of ku tin otro sirkunstansianan ku ta stroba e kolaboracion di bay bon. Despues bo por disidí di stòp di supervisá e estudiante/alumno aki. Despues bo por apliká ainda pa un subsidio pa e simannan ku bo a supervisá e estudiante/alumno. E subsidio ta un kompensashon pa e esfuerso ku bo ta hasi pa supervisá e estudiante den práktika. E fecha final di bo aplikashon pa e subsidio ta e fecha ku e estudiante/alumno a stop di traha den e BPV di bo empresa.

2. Kon mi ta hasi mi aplikashon ora e formashon profeshonal práktiko - bpv di e estudiante/alumno ta kontinuá den un aña di skol ku ta sigui?

Bo ta hasi bo aplikashon pa un subsidio pa aña skolar. Esaki ta nifiká ku bo mester hasi un aplikashon promé pa e simannan ku bo a duna instrukshon di praktiká den e promé aña di skol di e bpv. Despues, den e siguiente aña di skol, bo ta hasi un aplikashon pa un subsidio pa e simannan ku bo a guia e estudiante durante e siguiente aña di skol.

3. Tin un kantidat mínimo òf máksimo di estudiante di BBL pa kada kompania pa kua mi por apliká pa un subsidio?

No. Un kondishon importante ta ku den bo empresa bo tin e kapasidat pa guia e studiantenan/alumno den práktika.

4. Kon e kantidat di e subsidio ta wòrdu determiná?

E suma máksimo di e subsidio ta €2700 pa kada estudiante pa aña skolar, si bo a duna e estudiante 40 siman di guia den práktika. Si bo a duna menos siman di guia, e suma ta kalkulá proporsjonalmente. $\text{€2700} / 40 \times \text{e kantidat di simannan ku e estudiante tabata}$

presente i a duna bo guia práktiko.

5. Mi por hasi un aplikashon pa diferente estudiante den un formulario?

Bo por añaadí vários estudiante na e formulario di aplikashon. Ademas mester entregá un akuerdo di stazje òf práktika (POK) i e formulario di presensia i tarea BPV pa kada estudiante.

6. Si mi empresa di enseñansa no ta aprobá pa ROA, mi por apliká ainda pa un subsidio?

No, bo empresa mester ta un empresa di enseñansa ku a risibí aprobashon i e estudiante/alumno mester ta guia den praktiká dor di un maestro ku a risibí aprobashon.

7. Tin gastunan relashoná ku e prosedura di akreditashon i entrenamentu di e maestronan di ROA?

No, no tin niun kosto. ROA regularmente ta organisá un entrenamentu, pa esaki por tuma kontakto ku ROA.

8. Kompanianan ku ta usa vliegende leermeesters tambe por haña un subsidio?

Si, e kompanianan aki tambe ta bini na remarke.